




陳光龍行畧



計開 岡 曾祖實錄於左

一岡曾祖諱陳光龍字義臣號貞可十六歲入泮十八歲食餼



順治戊子科舉人已亥科進士康熙甲辰年授河南南陽府
推官署汝寧府篆嗣裁推官戊申改補廣西平樂府平樂縣
知縣任七載康熙十三年會滇黔逆叛孫延齡猖狂西粵寇
平樂平邑弁迎降家口盡陷逼降偽職岡曾祖義不受辱棄
家屬携印篆遵奉 總督金檄調軍前乞師進討屢立奇功
總督金特疏入

告奉

旨事平議叙題行取 部以廣西用兵停陞例議止題學道辭以文
事非急題梧州府同知隨征進勦疾篤致仕終養退休二十
七年年七十九卒於岡祖諱坦郟城縣官署恭遇

覃恩勅授文林郎廣西平樂府平樂縣知縣

貤封高祖諱其棟文林郎高祖母王氏為孺人曾祖母吳氏為孺人

嗣奉

覃恩晉階奉政大夫廣西梧州府同知加二級

貤封高祖晉階奉政大夫加二級高祖母王孺人為宜人曾祖母吳

孺人為宜人

一初任河南南陽府推官甫至任有成獄七命經按察司三司

李棠撫軍張檄覆訊之得其寃上爰書於張竟活之張嘉其

才凡巨棠必委讞而後奏平反於疑生活千數

一署汝寧府事屬州縣歲各派千金為修輯器具之費嚴檄禁

革諸弊悉杜張欲以循吏卓異嗣裁司李候補

一改補廣西平樂縣知縣邑徭種雜處瘠貧陋野加意拊循課

農桑修學校使徭民知耕鑿親遜之樂

一已酉分房所拔皆知名之士後壬子辛酉登鄉選者皆其所

作養

一以平樂無誌蒐羅訪輯捐俸纂誌以備國乘
一泣平一載鄰邑妖僧謀逆滋蔓萬人巡撫金檄行按治得株
連者悉釋

一泣平七載孫延齡叛平逼桂林泣守孤城有孤城無援排律
五首守城詩一首

一奉總督檄調赴軍前有途中口號一首七言絕句四首至梧
乞師進討三首

一平樂既陷一妾一子僮婢多人没于賊總督金以事聞奉
旨事平議叙恭賦一首軍中懷親一首軍中病劇伏枕作歌六首

一上平南王啟王予以印信批忠義二字

一題補梧州府同知商確軍機隨征進勅有後軍詩二首

一病篤得休歸楚詩二首寄慰雙親詩一首擬歸去來詞一篇

一事父諱其棟母王氏至孝自孺慕至垂老罔懈父母病延醫

弗效水漿不入者三日跪進湯藥輒甦迎養宛署晨昏膝下

凡訟獄皆請命而行任粵西二親年高不就養旋致仕父方

歿喪葬盡禮哀毀有節養母十餘年卒亦如之

一友于兄弟兄廩生光太早逝撫遺腹子城如已出教之成立

十八遊泮二十食餼壬子拔貢教習藍旗考授知縣教弟光

竹補邑弟子員博通今古

一貧而好施歲已酉饑邑人取桐榆根皮為食首倡捐谷百十石言於邑宰李勸輸得粟萬餘石存活數萬人

一性穎悟好讀書無老少常廢不輟卷著有拙之吟集唐集宋軍中咄咄吟

一退休林下二十餘年營小亭顏曰可亭貞因粵難筮得節身苦節不可貞因名亭以誌不忘君父之意



